

直隸省



直隸為王畿之地別名燕省論其位置則在中國東部之東北論其境界則東界咸陽盛京錦州府寧遠州西界山西大同府廣靈縣南界河南開封府蘭湯縣北越邊牆而極於西喇木倫河即黃河東南至海西南界河南衛輝府濬縣東北西北則皆與內蒙古接壤論其廣袤則東自編東四度二十二分朝陽起西至編西二度二十七分井陘縣止南自北緯三十五度十七分長垣縣起北至北緯四十二度三十分多倫諾爾止蓋東南南相距一千一百三十八里南北相距一千六百二十八里面積約五萬九千四百四十二萬里人口有二千九百四十萬省領府十一直隸州六衛州十七縣一百二十三論其區域則以順天府居中由此而東而西則宣化府屬其西北易州保定正定州以及大順廣三府皆屬其西南也居其南者惟河間與深冀二州耳若以沅域言之則直隸之水其自西而東者莫大於永定滹沱兩河其自北而南者莫大於灤河永定之北則順天與宣化永定之南則保定與易州滹沱之北則河南同正定與定深二州滹沱之南則大順廣三府與趙冀二州灤河之東則承德永平二府其西則遵化州也若天津則東臨渤海又為眾流之所歸焉知乎此則直隸府州縣所在昭晰無

疑矣至全省地勢則由口外陰山山脈延而為恒山大行并陘碣石諸山但其地屬西北東南一帶悉為平原凡皆直隸之地文地理也若論其分野則尾箕寶辟昂畢虛危分屬於各州府論其氣候則地屬北帶冬季寒氣凜烈河水冰結北運河至三日後始能解凍未解之時舟運不能通也直隸天文地理又如此至於歷代之沿革運輸之交通天然之妙產與夫疏濬河流扼守險要別條於左

### 沿革

直隸古屬冀兗周為幽并春秋為燕晉衛齊屬地戰國為燕趙齊

魏分牧秦并天下置上谷漁陽右北平遼西邯鄲鉅鹿東郡漢置幽兗冀三州後漢因之三國屬魏晉初仍蜀屬三州永嘉以後石符慕容氏等前後割據後魏幽冀三州外增置九州北齊置東北通行臺後周置幽并州總管府隋初因之大業廢州設郡十五唐則屬河北道後分為四節度焉五代之世保定天津以北皆為遼有周變瀛莫等州以白溝河為界而河間府乃還之中國宋屬河北分為兩路其入於遼者則為南京與中都路元之中書省置大都路其永平八路則皆屬中書省謂之腹裏明改諸路為府置北平布政使司永樂都以為北京後更改為京師 本朝定都因

而不改前明與 國朝皆以各府州直隸京師故名為直隸也  
交通

直隸之通商口岸以天津港為最盛其人口約九十五萬凡豆餅  
油等皆由此輸出其次則秦王島此島雖少便於泊舟外國貿易  
亦多至此而張家一口又為陸通塞外要路地當北京西北西伯  
利亞及蒙通商皆以此為中心點其輸出者大都磚茶與大黃其  
輸入者則盡屬駱駝牛馬獸毛等物若夫內地水路則由易水可  
通保定由滹沱河可達邯鄲此即自北京通河南之路也由北運  
河至天津由天津 運河南下此即自北京通山東之路也內地

陸地路東出東三省及朝鮮率由山海關往西北各處自口外草  
地向山西邊外歸化城及新疆者率由居庸關往山西甘肅四川  
青海西藏者多出井陘口就其經居庸關而論井陘之行尤眾現  
今京津鐵路與漢榆鐵路皆已告成其東出一運尤為靈捷矣  
直隸礦產以金銀石炭為大宗金礦石炭則產於永平府銀礦則  
產於承德府與古北口順天戾山亦產炭礦近則豐潤之開平城  
順德之內邱縣皆已開採鹽則產於天津府鹽場在府境者十有  
一他如琉璃產順天水晶寶石產於宣化尤礦物之可珍者也植  
物以蘋果香梨玉桃棗李榛栗胡桃葡萄茯苓麻姑為最盛五穀

則黍稷麥全省皆有惟種稻者少與鄭注周禮所云并州五穀兼種稻者又覺不同蓋稻宜於水田此亦由溝洫既廢水利未興今不如古云故且該省人於種植學未甚講求雜草之術培植之方俱遜南人故所收歉薄不可與南方比若動物則牛羊諸畜南稼蕃息云

### 河流

蔡文端直隸河圖說云直隸大小七十餘河其在永平者由遷安經灤州入於海在遵薊者由玉田寶坻會宣河入於海皆山海關內南流入海者也從薊而由為順天府其水則有潮河白河潮

河自古北口入白河自獨石口入海會密雲由燕河至通州合畿輔以北諸水經北運河東南行至天津三岔河口入於海順天之西北曰宣化西南曰保定南曰河間其水最著者曰承定河自山西朔州東行合大同諸水入直隸界東會宣化以上諸水又東會延慶以上諸水從蘆漢橋畿甸注東淀出三岔河口入於海保定之北曰拒馬河過涿河會易水經白溝河東南入西淀其南曰滹河沙河又其南曰磁河皆會於祈州東北入西淀其繞郡者曰徐河朝陽曲逆合茲山泉東行入西淀俱自西淀注東淀出三岔河口入於海保正之西南曰正定又其南曰廣平正定之水為滹沈

河由井陘郡東南入寧晉泊順德廣平諸水亦滙寧晉俱自寧  
晉泊由子牙河東北控注東淀出三岔河口入於海廣平之東南  
曰大名其水則漳河衛河經河南界出山東至臨清州合南運河  
北行至天津出三岔河口入於海總直隸諸水其不由三岔河口  
入海者永平遵薊諸山泉耳其在順天者由通州北運河東南行  
至三岔河口宣化以上之水則合永定河東南注三角淀保定之  
水則滙白洋淀東行至三角淀三角淀之水又東行出三岔河口  
者也合一省大小七十餘水總滙一處入海宜其驟雨急漲泛濫  
橫溢為生民患也

按直隸山脉皆在西北東南兩邊每遇伏秋之際千巖飛雨萬  
壑懸流其並下之水支分派別不可勝數而必以淀泊為歸宿  
蓋淀泊之用有翕受之功亦有停蓄之利眾流競趨滙為巨澤  
容與蕩漾有以緩其奔騰之勢然後安流弭節則其衝易受而  
其患亦易消正定順德廣平之有南北二泊順天府保定河間  
之有東西二淀皆天地造設之妙納眾而節宣之不使之一往  
莫禦此猶大江自川以下自洞庭鄱陽諸湖以迂緩其水勢故  
揚子江流域居民不受長江水患與黃河之一往莫遏為居民  
害者不同也直隸西淀跨雄新數邑之境既廣且深西北諸山

之水皆滙於此因分為會同中亭二河入於東淀南泊之水注於北泊北泊之水出滏陽之道合滹沱之流亦由子牙一河歸於東淀是淀東一區不啻蓄直隸全局之水此外西北河之大者曰永定與北運西南河之大者曰子牙與南運皆至天津府境合眾淀派出之水而東出大沽沽以注於渤海者也故欲治上游之水則必宜濬淀泊以緩其流欲治下游之水則宜擴海門以速其去庶胸腹不至受病尾閘不至不暢而直隸之水可有利而無患矣

### 形勢

自昔說幽燕形勝者曰滄海環其東太行擁其左障衛襟帶於南居庸鎖鑰於北北就今日言之東西南三面與古無異而北方一面則迥不相同前明直隸北邊僅以長城為界東自喜峯古北西至獨石張家諸口皆稱險要其云居庸鎖鑰於北宜也若

國朝定都東有東三省北有內外蒙古其版圖之廣皆為直隸屏蔽焉者固不必論即論直隸省界其北境亦直抵黃河即西遼河上源與內蒙古接壤承德一府轄平泉州及赤峯朝陽建白昌灤河平豐盛五縣舉昔所謂白狼山大寧衛諸地無不咸屬府境且熱河避河署山莊又在承德府城內蓋昔所謂邊境者今則悉為內地

矣故曰北方一面與古不同也若夫滄海環其東則以天津之塘沽口及大沽口永平樂亭縣之灤河臨榆縣之山海關均屬要區而以天津海口與山海關為尤重太行擁其西則自昌平州之居庸關西南至易州之紫荆關又西至定州之倒馬關正定之井陘關皆藉太行山脈綿亘之以為扼塞也然據本

朝論西北兩邊俱屬內地南又有山東河南以為捍衛所最重者惟東面耳東面環海必以天津與山海關為至要者蓋天津海口迫近京城山海一關北控遼東南控高麗也時至今日旅順既為敵有秦皇一島又屬通商口岸卧榻之旁他人鼾睡其防避尤

難稍懈然就兩處形勢較之塘沽口水狹而曲輪舟頗礙駛行破亦易中大沽口相距三十里中間海岸多屬泥淖敵舟本難深入但登岸則皆坦途無險可守此則大可慮者山海關在撫寧縣東百里其地大海高山南北相距廣不數里一關雄峙最為東京天險關周近九里高四丈餘門四月城二關下有渝河通海東北循海東北循海狹止數尺僅通一軌旁皆亂山高峻不可踰越其險似較勝於津沽然牛莊鐵道相為聯屬

由牛莊至臨榆鐵道一百六十英里

俄人經

營牛莊餘不遺餘力且屢欲以強橫手段據我吉奉我國倘不極力保全則山海一關失其肩背雖險亦無可恃蓋直隸東北屏蔽

全藉東三省猶北路屏蔽全藉內外蒙古東三省失而東北一路不能沮敵人之來猶內外蒙古夫而北邊一蹶不能限戎馬之至也東省之東事既失策於前矣竊願有籌邊之責者於保守新疆外尚其於內外蒙古加之意焉否則西伯鐵道告成吾恐其蚕食蒙古者即為京師之大患也

### 順天府

順天為帝都所在中國地即以為中綫 京師為中綫則在其緯度則在北緯三十九度五十五分也東西相距四百七十里南北相距四百八十八里東至遵化州界二百四十里西至宣化府保安

州界二百三十三里南至天津府青縣界三百一十三里三北邊牆一百七十五里東南至天津府天津縣界二百里西南至保定府新城縣界一百七十里東北至喜峯口邊界四百二十里西北至宣化府延慶州界一百三十里領州五縣十有九統轄於順天府尹府尹駐京城又分設四路同知以分領之東路同知駐通州分轄通三薊武寶寧香等七州縣西路同知駐芦溝橋分轄涿房良苑等四州縣南路同知駐黃村分轄霸保文大固永東大等八州縣北路同知駐沙河分轄昌順懷密平延大宛等八州縣觀四同知之所轄而順天州縣其所在之區域亦可以畧知其概矣

沿革

府境虞夏屬冀州唐與高周俱屬幽州秦屬上谷漁陽二郡兩漢皆屬廣陽郡三國屬魏為燕郡晉為燕國後沒於石勒前燕前秦後燕皆皆有之後魏亦為燕郡北齊置東北道行臺後周置幽州總管府隋立幽州後改涿郡唐初亦曰幽州後改為范陽郡五代唐置幽州宋為燕山遼為南京幽都府燕京析津府金曰中都元曰大都明曰北平至永樂元年由南京遷都北京然後改為順天府也

交通

順天河道淺淤輪舶不便駛行就陸路驛程計之由京師皇華驛七十里至良鄉縣又七十里至涿州此為南出保定之路也由皇華驛四十里至通州七十里至三河又七十里至薊州此為東出遵化之路也由皇華驛七十里至昌平六十里至延慶此為西北之路七十里至順義百三十里至密雲四十里至古北口此為西出之路八十五里至通州七十里至武清河西驛六十里至楊村驛六十里至天津驛此為東南之路然此皆驛路也現今有京津鐵路由京至順德鐵路交通之便益為敏捷矣物產

順天礦產如密雲縣東三十里之有鐵鑛山南十五里之有銀冶  
礦礦嶺及金洞皆產金銀鐵鑛者也此外房山縣西南四十里之  
黃龍山山下有石碣產白玉石與宣河之鹽場宛平房山之煤礦  
亦礦物之發見於世界者植物則產穀而外榛梨棗栗桃李柰  
蘋菓葡萄棉花芍藥等所在多有而宛平西百五十里之青山嶺  
多產杉漆及諸藥西百二十里之百花坨亦多產杉漆芍藥草等製  
造則古玩角弓鹿膠豹尾皆其著名也

### 形勢

府境闔山雄峻川澤流通南控江淮北連朔漠誠皇者之上都也

昔召公封燕享祚祚八百自漢以還世為巨鎮光武資其兵而漢  
業重興慕容偽竊據於此遂兼河北唐之中葉漁陽倡亂而藩鎮  
之患實與唐代相終始石晉以燕雲賂契丹而出帝之禍竟不旋  
踵宋爭燕雲而不得不數傳而有南渡之憂遼金與元相繼都燕  
而中原卒以不振明成祖分藩燕薊亦卒南下而代建文蓋自古  
迄今凡建國於此者以之圖治則有餘以之不倡亂亦無不足得  
非以背倚雄關而又挾居高馭下之勢俯視東南各省幾等於高  
屋建瓴乎而况居庸古北昔之恃為後屏者今則長城之外志  
隸版圖其形勢尤遠駕前朝萬萬者哉雖然西伯利亞鐵道俄人

亦漸次告成矣。倘於內外蒙古不能極力保全焉，則蒙古一亡而京師亦無以自立。此又有國者所宜加之意也。抑又聞之京師糧食全藉東南漕運之勞，有需時日而永定一河環流府境，其流濁可肥田，嫁使善用，有人則化瘠為沃者，亦於是乎在。時至今日，安得鄭國史起之徒，講求畿輔水利也夫。

### 京城

京城為遼金元故都。至明永樂四年，命拓元城故為之。本朝定都，因而不改京城。周四十里，高三丈三尺五寸，門九。南曰正陽，南之左曰崇文，南之右曰宣武，北之東曰安定，北之西曰德勝，東之北

曰東直，東之南曰朝陽，西之北曰西直，西之南曰阜城。京城南有外城，外城則周京城南面，轉抱東西角樓，廣袤二十八里，高二丈門七。正南曰永定，南之東曰左安，西曰右安，北之東曰東便，西曰西便。正東曰廣渠，西曰廣寧。凡先天壇、先農壇皆在此。外城京城內為皇城，周十八里，有奇牆高一丈八尺，門六。正南曰大清，小北曰長安，左長安，右東曰東安，西曰西安，正北曰地安。大清門內曰皇城內為紫禁城，周六里，牆高三丈，南曰午門，北曰神武，東曰東華，西曰西華，午門之後為太和門，內即太和殿，是為大朝正殿。遼故宮在京城南，金故宮在城西南，元故宮在皇城之內，京城之內

分列八旗居八門之內以衛京師大小官署則皆在皇城之內其貿易繁盛者則以京城正陽門內之棋盤街鼓樓大街為最盛蓋此處市肆毗連百貨雲集故車塵馬跡往來不絕云此外如暢春園圓明園萬壽山皆清幽奇絕實為郊圻中之勝景也

### 保定府

保定府者直隸之省會也論其經度以京師為中綫則在偏西五十一分其緯度則在北緯三十八度五十五分地當京師西南三百五十里東西相距二百七十里南北相距四百九十里東至河間府任邱縣界一百一十里西至定州曲陽界一百六十里

南至冀州新河縣界三百里北至順天府房山縣界一百九十里東南至冀州治三百四十里西南至正定府晉州治二百二十五里東北至順天府霸州治二百一十里西北至宣化府蔚州治四百里領州二縣一十五府治清苑直隸總督至冬季則移駐於此布按二司亦駐之論州縣之位置以清苑縣居中在其東者則安州新安也在其西者則完縣也在其南者則博野新州棘鹿也安定新容雄五縣則在其東北焉滿城一縣則在其西北焉高陽與蠡則在其東西南焉望都與唐則在其西南焉此保定州縣所在之大略也

水利

保定東南卅縣地多平行其水利亦宜講究繞其北境而直注西淀如白溝為巨馬西派下流則入於柴火淀電河來自安肅經容城新安兩縣則入於燒車淀依城合徐河曹河歷安州之北則又入於雜淀繞其南境而直注西淀者如滹河沙河滋河合流為緒龍河則由高陽之南而入於白洋淀此皆保定著名之水也夫電河自怡親王築隄建閘導水入燒車淀後堤內引流灌稻田皆肥澤沃澤國之地固已悉成樂土矣而巨馬分為二派依城支流甚多合流之處又去西淀不遠淀高濬深為患自少惟褚龍一河上游

三水既屬巨川會合之時流亦湍急且由新祁州至白洋相去頗遠倘下流壅塞即至泛濫為災若疏濬有方則所過田畝皆資灌溉利害參半此固不可不知也

沿革

保定一府禹貢則屬冀州周屬并州戰國北屬燕而南屬趙秦為上谷鉅鹿二郡漢為涿郡後漢因之其南境則分屬中山與河間晉則北屬范陽東南屬高陽博陵二國北魏仍屬高陽郡惟北屬范陽西屬北平與中山耳隋屬上谷博陵河間三郡唐屬易定涿莫等州五代晉割屬遼國復之仍為雄州宋為保州金得之後

亦復因之元改為保定路明改為府初屬北平布政後乃直隸  
京師國朝因之而以為府治焉

交通

此府為 京師通山西河南要衝蓋自京師三百三十里而至清  
苑金臺驛由金臺驛四十五里至滿城又四十五里至望都又六  
十里至定州自此歷正定府共行二百七十里而至井陘口至是  
則出直隸境矣由此西行歷平定州盂縣及壽陽榆次等縣共歷  
驛程四百里而至山西太原府由此而西南行則可達陝川至西  
藏由陝而西北行則可達甘肅與巴里坤蓋西出六省之通衢也

若由保定二百九十里至正定縣恒山驛由此而南歷驛程八百  
七十五里而至河南省由河南湯陰縣歷一千四百六十五里而  
至湖北省由湖北江夏縣歷九百里而至湖南省又由湖南長沙  
歷一千〇六十四里而至廣西省此則南下四省之津要也現今  
蘆漢幹路自北京至順德之磁州皆已竣工又保定至天津支路  
漸已分築將來支幹俱成則此府之交通尤為利便矣  
物產

自西歷一千八百七十一年德人利忒何芬初探險至保定一  
千八百八十四年俄人阿布法夫又探險至保定該處礦產二人

皆未塙鑿言之惟一統志內載謂唐縣西北十八盤嶺有礦洞耳然中國北部南北陸路之交通皆以此為要衝故商賈輻湊貨物雲集且有眾流以為灌溉種植亦極繁盛此外土產如東鹿之羶戎最為純細唐縣之玉蕤容與西要瓜安肅之崧保定之黃姑魚塘河之鯉雄縣之蟹皆著名於世也

形勝

方輿紀要云府重山西峙羣川東匯宣府大同為之屏障倒馬紫荆為之阻隘聯絡表裏翊衛京師誠重地也在昔河朔有難保定恒先受之自唐天寶之末迄宋靖康之季清苑左右大抵皆戰場

矣蒙古取幽燕曰勁卒擣居庸北附其背大軍出紫荆而扼其吭郡於兩闕若左右臂然東西互發如風如雨兩路之兵可使勢形格勢禁互為解也明建文三年燕王舉兵南下盛庸拒之於德州微大同守將房昭入紫荆闕畧保定州縣燕王在大名聞之曰保定股肱郡脫有不虞即北平危矣遂旋師擊卻之土木之變于忠肅于保定涑水誠諸城皆增設重兵京師得以保固蓋府居三閩之中形勢適均緩急可恃誠三輔之長城兩邊之內險也

崇保定形勢今昔不同前明邊牆之外悉為韃靼兀良哈瓦剌等所據故設九邊以防之而宣大兩邊諸部尤屢為寇擾故又

設內三閫以守之蓋以兩邊禦其外以三閫固其內鞏衛保定  
即所以鞏衛京師也我朝長城以外內外蒙古悉隸版圖保  
定一區奚虞外侮然其地為神京右腋一旦有事則紫荆倒  
馬乏資屏蔽此直督一任所以兼轄紫荆閫隘事務為國家防  
患之心不誠至周且密哉

### 永平府

永平府者京師之左輔也論其位置在東經二度二十八分北緯  
三十九度五十五分蓋當京師之東五百五十里也東西相距  
三百四十里南北相距二百二十里東至盛京錦州府寧遠州界

一百八十里西至遵化州界一百六十里南至海岸一百六十里  
北至承德府平泉州界六十里東南至海一百四十里西南至豐  
潤縣界一百三十五里東北至承德府建昌縣界一百九十里  
西北至遵化州邊界二百二十里領州一縣六府治盧龍樂亭在  
其南東南則昌黎西南則灤州也西北則遷安東北則撫寧與臨  
榆也

### 沿革

永平古屬冀州虞屬營州商周屬幽州商有孤竹國春秋有肥秦  
漢俱屬遼西及左北平後漢嘗為公孫度所據魏滅度仍置遼西

西晉因之後為燕趙符秦前後分據至於元魏改置平州領西遼北平二郡高齊則并遼西於北平後周因之隋初廢郡仍曰平州後復改為北平郡唐則前後俱屬平州惟天寶之間曾改為北平郡遼改為軍號曰遼興金初為興平軍後升為南京終仍為平州也元初為府後改為路府曰興平路則前平灤而後永平有明因之但改為府而已我朝繼興仿明制惟山海關一衛改為臨榆縣焉

交通

由京師至東三省者必出永平府之山海關蓋自京師皇華驛東

行歷驛程五百里而至永平府治再歷百七十里而出山海關從此東北行歷七百九十里而至盛京次歷七百八十五里而至吉林繼歷六百三十里而至寧古塔又由吉林西北行歷一千零七十二里而至黑龍江之齊齊哈爾蓋往東三省之路如此若往外國則由盛京西南行經四百六十里可抵朝鮮界之鳳凰城也由寧古塔渡瑚爾哈河東行三百里可抵俄界之喀綿噶波羅甫也凡此皆出關闕外交通之大畧也現今津榆鐵路與牛莊鐵路業已告成則由內輸出與外輸入永平當其要衝將來陸路交通則以秦皇島為最焉在直隸海股近山海關冬令不冰便於泊舟近